

समा. 09.20 Hrs

Headlines

1. उपराज्यपाल मनोज सिन्हा होरें आखेआ ऐ जे बक्ख-बक्ख खेतरें च बदलाव आहन्ना करदे AI गी मुल्लें-कदरें ते लम्मी अवधि आले नज़रिये दे कन्नै अपनाया जाना लोड़चदा।
2. जम्मू-कश्मीर सरकारै Career Advancement Scheme दे तैहत 786 असिस्टेंट प्रोफ़ेसरें, Librarianएते PT Instructorएदिएतन्खाही दे ग्रेड च बाद्दे दा हुक्म जारी कीता ऐ।
3. भारत ते ब्रिटेन दे व्यापक आर्थिक ते बपार समझोते ने जम्मू खिते लेई निर्यात दे नमें मौके पैदा कीते न। विजयपुर थमाचमड़ा उत्पादें दी खेप बरतानिया लेई रवाना
4. फौज दी उत्तरी कमान दे कमांडर लैफ्टिनेंट जनरल प्रतीक शर्मा होरें बसन्तगढ़ दा दौरा लाइयै मजूदा सुरक्षा हालात ते बलें दिएतैयारिएदा जायजा लैता।
5. ते मौसम विभाग नै कल्लै धोड़ी जम्मू-कश्मीर च मौसम गर्म ते उमस भरोसा रौहने ते किश थाहरें पर हौली बरखा बरने दी पेशनगोई कीती ऐ।

LG- AI

उपराज्यपाल मनोज सिन्हा होंरें आखेआ ऐ जे Artificial Intelligence शिक्षा, रोजगार ते अर्थ-
बवस्था च बदलाव आना रदी ऐ। एदे राए मनुक्खी सभ्यता च नमें दौर दी शुरुआत होआ रदी
ऐ। एह गल्ल उपराज्यपाल होंरें Dr. Suresh Awasthi Memorial Lecture श्रृंखला च AI दे असर ते

माड़े असर बारे दिते गेदे मुख् भाषण च आक्खी। उ'नें आखेआ जे Artificial Intelligence साहड़े जीवन दा अहम हिस्सा बनी चुकी दी ऐ। एह घरे, स्कूले, अस्पताले, फार्म ते सरकारी सरिस्ते च भूमिका निभाने दे कन्नो-कन्नी सेहत सरबध्नी दिक्ख-भाल, राई-बाई ते शिक्षा च बी बेहतरी आना'रदी ऐ। उपराज्यपाल हारे आखेआ जे AI गी पूरी सवेदनशील ते लम्मी अवधि आहले नजरिए मूजब अपनाना लोड़चदा। उ'नें आखेआ जे भारत दी सगगो-सार विरासत विज्ञान ते नैतिक मुल्ले गी किट्ठे चलना सखाध्नी ऐ ता'जे पूरा-पराता ते जिम्मेदारी कन्नै विकास यकीनी बनी सके।

<><><><><><>

Itoo Placement

जम्मू-कश्मीर सरकार नै 786 Assistant Professorएँ Librarians ते PT Instructorएँ गी तरक्की देने आहली कारवाई गी मज्जुरी दिती ऐ ते तनखाह दा ग्रेड 7 जहार रपे होग। एह सारी कारवाई Career Advancement Scheme तैहत कीती गई ऐ। शिक्षा मन्त्री स्कीना इतू हारे आखेआ जे हाल दे बारे च कीती गेदी एह सबबनें थमा'बड़्डी तरक्की आली प्रक्रिया ऐ। इस फैसले कन्नै लम्मे चिरे थमा'बकाया पेदे मामले हल होडन। मन्त्री हारे समे-सिर तरक्की, पारदर्शिता ते उच्च शिक्षा गी केन्द्र शासित प्रदेश च मजबूत करने आहले धेड़ये गी फीह पक्का कीता।

<><><><><><>

Leather Consignment UK

भारत ते ब्रिटेन बशकार व्यापक आर्थिक ते बपार समझौते दे तौले गै लागू होने दे मददेनजर कल जम्मू थमा-चमड़ा उत्पादें दी इक खेप गी ब्रिटेन रवाना कीता गेआ ऐ। इसी DGFT, RA जम्मू विवेक कुमार सभरवाल होरें टकोदे तौर पर जम्मू खिते दे निर्यातकें गी इस समझौते करी थहोने आले मौकें पर लोs पाई। उ'नें आखेआ जे भारत-ब्रिटेन व्यापक आर्थिक ते बपार समझौते तैहत निर्यातकें गी चमड़े, कपड़े, राई-बाई, फार्मा ते MSME उत्पादें पर कोई कस्टम ड्यूटी नैई देनी पौग। उ'नें आखेआ जे एहदे नै ब्रिटेन दे बजारे च भारती समेयान दी होर मती उपलब्धता जकीनी बनोग।

<><><><><><>

Amarnath Yatra 15th Batch

श्री अमरनाथ जी दी यात्रा पर औने आहलें श्रद्धालुए-दा जोश बरोबर बने दा ऐ ते यात्रा शुरू होने दे 12ए-दिनें च गै पवित्र गुफा च मत्था टेकने आले श्रद्धालुए-दा आकड़ा 3 लकख गी पार करी गेदा ऐ।

तोंआई श्री अमरनाथ जी श्रद्धालुए-दा 15मा-जत्था अज्ज बड्डलै सख्त सुरक्षा बढोबस्ते हेठ जम्मू दे भगवती नगर “यात्री निवास” आधार शिविर थमा-कश्मीर घाटी लेई रवाना होआ। अज्ज रवाना होए दे इस जत्थे 6 जहार 201 श्रद्धालू न, जेड़े 191 गड्डियें दे काफिले च सोआर होइयै घाटी लेई रवाना होए दे न। इधे चा 1 जहार 745 श्रद्धालु बालटल लेई ते 3 जहार 456 श्रद्धालू पैहलगाम लेई रवाना होए दे न। इस जत्थे च कुल 3 जहार 970 मर्द, 1 जहार 124

महिला 5 बच्चे, 92 साधु, 9 साध्वियाँ ते इक ट्रांजेंडर श्रद्धालु शामिल ऐ। श्री अमरनाथ जी दी यात्रा बारे अपने अनुभव सांझे करदे होई किश शरदालुण आखेआ।

<><><><><><>

N. Army Cmdr Basantgarh

उत्तरी कमान प्रमुख लैफ्टिनेंट जनरल प्रतीक शर्मा होरें बसन्तगढ़ दा दौरा लाया ते मौजूदा सुरक्षा स्थिति ते बलें दिए तयारिए दा जायजा लैता। अपने दौरे दौरान उंनैं मौजूदा सुरक्षा स्थिति बारे अधिकारिए कन्नै चर्चा कीती। इस दौरान उंनैंगी ताजा सूरत-ए-हाल दा पूरा ब्यौरा दिता गेआ। उंनैं निगरानी बनाई रखने, सर्तकता बरतने ते आपूछे नेइमा तालमेल बनाइए कम्म करने पर ज़ोर पाया। उंनैं राश्ट्र विरोधी तत्वे थमा सौहार्द-सर्तक रौहने लेई आखेआ। इस्सै दौरान जम्मू-कश्मीर पुलस दे DGP Nalin प्रभात होरें श्रीनगर च Cargo Complex दा दौरा लाया ते विशेष कारवाई समूह दी तयारिए दा जायजा लैता। उंनैं उत्थे तैनात बलें कन्नै बी गल्लबात कीती। इस मौके पर IGP कश्मीर ज़ोन V.K. Birdi ते पुलस दे होर दुए वरिष्ठ अधिकारी बी उन्दे कन्नै मौजूद हे। अपने दौरे दौरान उंनैं पूरी-पराती सुरक्षा तयारिए ते उत्थे कम्म करने आहले हालात बारे बी जायजा लैता।

<><><><><><>

Jammu Station Plat Forms

उत्तरी रेलवे नैं जम्मू तवि रेलवे स्टेशन दे नमैं तयार कीते गेदे 6मैं ते 7मैं प्लेटफार्म ते नमैं सिरेआ सोआरे गेदे प्लेटफार्म 4 ते 5 गी बी चालू करी दिता गेआ ऐ। हुन जम्मू तवि रेलवे

स्टेथन पर कुल प्लेटफार्म दी गिनतरी 7 होई गई ऐ। रेलवे दे अधिकारी दा गलाना ऐ जे नमें सिरेआ तयार ढाछे ते नमी॥कायम सुविधाए॥दा मकसद यात्रिए॥गी आरामदायक यात्रा, रेल गड्डियें दी सुचारु आवा-जाई गी यकीनी करना ऐ। एदे विस्तार कन्नै क्षेत्रिय रेल राबते च बेहतरी होग।

<><><><><><>

CS Labour Codes

मुख्य सचिव अटल डुल्लु होरें जम्मू-कश्मीर च 4 Labour Codes दी अमल-आवरी लेई श्रम ते रोज़गार विभाग दिए॥तैयारिए॥दी समीक्षा कीती। श्रीनगर च इक उच्ची सतह दी बैठक दी प्रधानता करदे होई उ'नें आखेआ जे एकड़े सुधारें कन्नै प्रदेश च श्रम कल्याण, समाजी सुरक्षा, औद्योगिक सदभाव ते बपार कारोबार दे तौर-तरीके सखल्ले बनाने दी बत पदरी होग। उ'नें विभाग गी निर्देश दिता जे ओह बाकी राँहदे नियमें दी अधिसूचना जारी करने च तेजी आहनने दे कन्नो-कन्नी डिजिटल मछें गी चालू बनाना ते वैधानिक बोर्ड दे गठन गी बी जकीनी बनान। विभाग आसेआ एह जानकारी दिती गई जे जम्मू-कश्मीर ने इस सरबछ्छै च खरी मती प्रगति हासल करी लैती दी ऐ। प्रदेश दे सब्भनें 20ए॥जिलें च व्यापक जागरुकता कार्यक्रमें दा सरिस्ता कीता गेआ ऐ, जिधे राहें तकरीबन 5 लकख कम्मगारें, नियोक्ताए॥ते होरनें सरबछ्छत पक्खें गी नमें लेबर कोड्स दे बारे च जागरुक बनाया गेआ ऐ।

<><><><><><>

Weather

मौसम विभाग नै कल्लै तगर जम्मू-कश्मीर च मौसम गर्म ते उमस आहला बने रौहने दी पेशगोई कीती ऐ। 18 थमा-20 जुलाई तगर प्रदेश दी केंई थाहरें पर बरखा ते गरज-चमक कन्ने बौछार पेई सकदी ऐ। मौसम विभाग नै इस दौरान चान-चक्क हाड़ औने, लास-पस्सिया-पौने बारे चेतावनी जारी कीती ऐ खास करी चनाव घाटी ते पीर-पज्जाल आहले इलाकें च लोकें गी सौहगा ते सर्तक रौहने लेई आखेआ गेआ ऐ। खास करी उ'नें इलाकें च जित्थे लास-पस्सिया-पौने ते हाड़ औने दी शेंका बनी दी रौहन्दी ऐ। मौसम बारे होर जानकारी दिवे होई मुखतार अहमद होरें आखेआ.

<><><><><><>

Adv. Announcement

आकाशवाणी जम्मू दे प्रादेशिक समाचार एकाक्षा ने प्हाड़ी भाशा लेई कैजुअल न्यूजरीडर-कम-ट्रांसलेटर ते स्टेनोग्राफर दे पैनल च शामिल होने लेई जम्मू-कश्मीर दे रौहने आहले 21 शा 50 ब'रें धोड़ी दी उम्मी दे इच्छुक मेदवारें कोला दरखवास्ता-मण्गिया-न।

कैजुअल न्यूजरीडर-कम-ट्रांसलेटर लेई घट्टोघट्ट योग्यता कुसै मान्यता हासल यूनिवर्सिटी थमा-ग्रेजुएशन ते प्हाड़ी भाशा दी शैल जानकारी दा होना ऐ। न्यूजरीडर लेई (प्रसारण लेई मुआफक) खरी अवाज दा बी होना जरूरी ऐ।

स्टेनोग्राफर लेई, घट्टोघट्ट योग्यता कुसै मान्यता हासल एजुकेशन बोर्ड थमा 12मी पास होना ते प्हाड़ी भाशा च खरी जानकारी दा होना ऐ। कन्नै गै, कम्प्यूटर पर प्हाड़ी भाशा च टाइपिंग दी स्पीड 25 कोला 40 लफ़्ज़ फी मिट होनी लोड़चदी ऐ।

आवेदन दी हार्ड कॉपी 'हेड ऑफ न्यूज, रीजनल न्यूज यूनिट, आकाशवाणी, पञ्जतीर्थी जम्मू पिनकोड-180001' दे दफ्तरै च (दस्ती) जमा करोआनी होग। एहदे कन्नै सब्बै जरूरी दस्तावेज ते आवेदन शुल्क बी होना चाहिदा (जेहड़ा वापस नेई होग)। सामान्य श्रेणी दे मेदवारें लेई एह शुल्क 355 रपे ते एस.सी/एस.टी/ओ.बी.सी मेदवारें लेई 265 रपे (18 फीसद जी.एस.टी सने) ऐ।

एह शुल्क प्रसार भारती, आकाशवाणी, जम्मू दे बैंक खाता नम्बर 10582387126(एस.बी.आई मेन ब्रांच, हरि मार्केट, जम्मू) च ऑनलाइन जमा कीता जाई सकदा ऐ। आई.एफ.एस.सी कोड: SBIN0000657 ऐ। शुल्क जमा करने दे बाद मिले दे स्क्रीनशॉट दा प्रिंटआउट जा ऑनलाइन पेमेंट/ट्रांज़ैक्शन आई.डी, आवेदन दे कन्नै जरूर होनी लोड़चदी। आवेदन करने दी खीरी तरीक 19 जुलाई 2026 (ऐतवार) ऐ। मती जानकारी टेलीफोन नम्बर 0191-2546658 ते 9697177241 पर लैती जाई सकदी ऐ। तफ्सीली इश्तेहार ते आवेदन फॉर्म साढ़ी वेबसाइट www.newsonair.gov.in पर होमपेज दे अखीरै च 'Vacancies' आइकन पर उपलब्ध ऐ।